



Službeni glasnik

Grada Tuzla

GODINA LV

22. FEBRUAR 2018. GODINE

BROJ 2

I AKTI GRADSKOG VIJEĆA GRADA TUZLA

1

Na osnovu člana 13. stav 1. alineja 20. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 20. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15, 7/15. i 12/15.), Gradsko vijeće Grada Tuzla, na sjednici od 21. februara 2018. godine, donosi

ODLUKU

o izmjenama i dopunama Poslovnika Gradskog vijeća Tuzla

Član 1.

U članu 4. Poslovnika Gradskog vijeća Tuzla („Službeni glasnik Grada Tuzla“, broj 09/17-prečišćeni tekst) (u daljem tekstu: Poslovnik), na kraju rečenice umjesto tačke stavlja se zarez i dodaju riječi: „u poslovnom objektu „Grafičar“, bivša „Šusterova palata“ na uglu ulica Franje Ledera i Turali-begova“.

Član 2.

Član 18. Poslovnika, mijenja se i glasi:

„Član 18.

Radi obezbjeđenja uvjeta za efikasniji rad i dogovaranja oko održavanja sjednica Gradskog vijeća, organizuju se zajednički sastanci Kolegija Gradskog vijeća (u daljem tekstu: Kolegij), kojeg čine:

- predsjedavajući Gradskog vijeća,
- zamjenik predsjedavajućeg Gradskog vijeća,
- predsjednici klubova vijećnika,
- vijećnik izabran sa liste nacionalnih manjina i
- sekretar Gradskog vijeća.

Član 3.

U članu 22. Poslovnika, iza stava 2. dodaje se novi stav 3., koji glasi:

„Izuzetno, od odredaba prethodnog stava ovog člana, klub vijećnika može formirati jedan vijećnik iz reda nacionalnih manjina, ako nije član niti jednog kluba vijećnika u Gradskom vijeću.“

Dosadašnji stav 3., postaje stav 4.

Član 4.

Član 60. Poslovnika, mijenja se i glasi:

„b) Upućivanje poziva za održavanje sjednice

Član 60.

Poziv za sjednicu Gradskog vijeća se upućuje vijećnicima u pravilu osam dana prije dana određenog za održavanje sjednice.

Vijećnicima se uz poziv za sjednicu dostavlja prijedlog dnevnog reda, odgovarajući materijali, koji su predmet razmatranja u dnevnom redu sjednice i zapisnik s prethodne sjednice, ukoliko nisu ranije dostavljeni.

Poziv za sjednicu, prijedlog dnevnog reda i materijali iz prethodnog stava ovog člana, obavezno se dostavlja Gradona-

čelniku, rukovodiocima službi i organa Grada Tuzla, obrađivačima materijala i sredstvima javnog informisanja.

Poziv, prijedlog dnevnog reda i materijali za sjednicu Gradskog vijeća, mogu biti dostavljeni u analognom ili digitalnom obliku i objavljuju se na zvaničnoj web stranici Grada Tuzla.

Predsjedavajući Gradskog vijeća može odlučiti da se poziv za sjednicu dostavlja i drugim zainteresiranim organizacijama i institucijama, vodeći računa o prostornim mogućnostima sale u kojoj se održava sjednica Gradskog vijeća.

Izuzetno od odredbi stava 1. i 2. ovog člana, u hitnim slučajevima, kada predsjedavajući saziva vanrednu sjednicu Gradskog vijeća, poziv za sjednicu se može dostaviti vijećnicima u roku kraćem od osam dana, a dnevni red za vanrednu sjednicu predložiti na samoj sjednici.

Predsjedavajući Gradskog vijeća će obavijestiti Gradsko vijeće o razlozima hitnosti zakazivanja sjednice.“

Član 5.

U članu 65. Poslovnika, dodaje se novi stav 1. koji glasi:

„Sjednica Gradskog vijeća Tuzla počinje intoniranjem himne Bosne i Hercegovine.“

Dosadašnji stavovi 1., 2., 3. i 4. postaju stavovi 2., 3. 4. i 5.

Član 6.

U članu 68. Poslovnika, iza stava 4., dodaje se novi stav 5., koji glasi:

„Predsjedavajući može u toku sjednice, dok traju diskusije kljubova vijećnika, vijećnika i drugih učesnika na sjednici, dati riječ Gradonačelniku, predlagачu ili obrađivaču materijala, radi davanja odgovora na postavljena pitanja ili davanja pojašnjenja, od kojih zavisi zauzimanje stavova po materijalima, koji su predmet rasprave u okviru tačke dnevnog reda“.

Član 7.

Član 70. Poslovnika, mijenja se i glasi:

„Član 70.

Vijećnici i drugi učesnici na sjednici su dužni da govore samo o materijalu koji je u okviru tačke dnevnog reda predmet rasprave i da poštuju vrijeme za diskusiju predviđeno ovim Poslovnikom.

Uvodno izlaganje Gradonačelnika, predlagачa ili obrađivača materijala, može trajati do 15 minuta, a izuzetno kada to predsjedavajući ocijeni opravdanim i duži vremenski period.

Diskusija predsjednika ili predstavnika kluba, predstav-

nika komisije, može trajati najduže 10 minuta, a diskusija vijećnika može trajati najduže pet minuta.

Prilikom izlaganja govornici su dužni da čuvaju dignitet Gradskog vijeća te im je zabranjeno koristiti psovke i neprijemljive izraze, povišeni ton (galama), pominjati privatni život drugih osoba, iznositi, pronositi ili izražavati neistine i na bilo koji način svojim govorom ili konkludentnim radnjama grubo vrijeđati i narušavati fizički ili moralni integritet druge osobe, ma o kom se radilo.

U slučaju iz prethodnog stava ovog člana, predsjedavajući će oduzeti riječ govorniku i isključiti mikrofona, nakon čega će prestat i svako dalje tonsko snimanje izlaganja govornika iz prethodnog stava ovog člana.

Ni jedan vijećnik ne može dobiti riječ po drugi put, dok se ne iscrpi redosljed prvog prijavljivanja vijećnika, s tim da svaki vijećnik u okviru jedne tačke dnevnog reda ima pravo na maksimalno dvije diskusije“.

Član 8.

U članu 71. Poslovnika, mijenja se i glasi:

„Član 71.

„Vijećnici i drugi učesnici na sjednicama Gradskog vijeća Tuzla (u daljem tekstu: govornici) govore s mjesta predviđenog za obraćanje na sjednicama Gradskog vijeća.

Ako se sjednice održavaju u sjedištu Gradskog vijeća iz člana 4. Poslovnika, vijećnici govore s mjesta te su dužni prije obraćanja Gradskom vijeću, na znak predsjedavajućeg, uključiti mikrofona.

Gradonačelnik, predlagачi i obrađivači materijala i lica iz člana 60. stav 5. Poslovnika, koja su pozvana da učestvuju u radu sjednice, govore iza govornice i dužni su prije obraćanja Gradskom vijeću, na znak predsjedavajućeg uključiti mikrofona.

Zabranjeno je dobacivanje i bilo kakvo ometanje govornika na drugi način i svako ponašanje, koje narušava ili zloupotrebljava slobodu govora.

Predsjedavajući se stara da govornik ne bude ometan u govoru i da opomene govornika koji postupa suprotno člana 70. ovog Poslovnika.

Po isteku vremena predviđenog za obraćanje govornika u skladu sa ovim Poslovnikom ili po završetku obraćanja govornika, predsjedavajući će ugasisi mikrofona

Ukoliko govornik, iz prethodnog stava ovog člana, i nakon isključenja mikrofona nastavi da govori, njegovo daljnje izlaganje neće biti tonski zabilježeno.“

Član 9.

U članu 73. Poslovnika, stav 3. Poslovnika, na kraju rečenice umjesto tačke stavlja se zarez i dodaju riječi: „a u slučaju da vijećnik replicira na diskusije više učesnika u raspravi, replika može trajati najduže četiri minute“.

U članu 73. Poslovnika riječ „dva“, zamjenjuju se sa riječju „jedan“.

Član 10.

Član 75.b Poslovnika, mijenja se i glasi:

„Član 75.b

Opomena se izriče vijećniku u sljedećim situacijama:

- kad govori prije nego što je zatražio i dobio riječ,
- ako i pored upozorenja predsjedavajućeg govori o pitanju koje nije na dnevnom redu,
- kad prekida govornika u izlaganju ili dobacuje, odnosno ometa govornika ili na drugi način ugrožava slobodu govora,
- ako postupa suprotno odredbama člana 72., 73. i 74. Poslovnika i
- u drugim slučajevima protivposlovničkog ponašanja, za koje odredbama ovog Poslovnika nije predviđena druga vrsta sankcije.“

Član 11.

Član 75.c mijenja se i glasi:

„Član 75.c

Mjera oduzimanja riječi se izriče vijećniku u sljedećim slučajevima:

- ako postupa suprotno članu 70. stav 3. Poslovnika i
- kome je prethodno izrečena jedna mjera opomene u toku diskusije, ispravke krivog navoda, poslovničke intervencije ili replike, a koji i poslije toga postupa protivno odredbama ovog Poslovnika.

U slučaju izricanja mjere oduzimanja riječi, predsjedavajući ili njegov zamjenik govorniku iz prethodnog stava ovog člana isključuje mikrofona

Ako vijećnik nakon izricanja mjere oduzimanja riječi i isključenja mikrofona nastavi da govori, njegovo daljnje izlaganje neće biti tonski zabilježeno.“

Član 12.

Član 79. Poslovnika, mijenja se i glasi:

„Član 79.

Javno odlučivanje se vrši putem uređaja za elektronsko glasanje, dizanjem ruke ili poimeničnim izjašnjavanjem.“

Član 13.

Iza člana 79. Poslovnika, dodaju se novi članovi 79.a i 79.b.

„Član 79.a

Javno odlučivanje putem uređaja za elektronsko glasanje provodi se na način da predsjedavajući poziva vijećnike da aktiviraju uređaje za elektronsko glasanje i da se pritiskom na odgovarajući taster izjasne ZA prijedlog, ili PROTIV prijedloga, ili kao SUZDRŽANI u odnosu na prijedlog.

Svi vijećnici, koji su prisutni u momentu glasanja, dužni su se izjasniti na jedan od načina iz prethodnog stava ovog člana.

Prije početka glasanja, predsjedavajući će uz pomoć Službe utvrditi tačan broj prisutnih vijećnika, ako to zahtijeva neki od klubova vijećnika.

Nakon, što se vijećnici izjasne na jedan od načina iz stava 1. ovog člana, predsjedavajući obavještava vijećnike da je glasanje okončano i proglašava rezultate glasanja na osnovu rezultata ispisanih na ekranu.

Vijećnici zadužuju, uz potpis, prije početka sjednice Gradskog vijeća, uređaje za elektronsko glasanje i iste vraćaju po završetku sjednice ovlaštenom uposleniku Stručne službe Gradskog vijeća.

Ako vijećnik izađe u toku sjednice iz sale za održavanje sjednice, uređaj za elektronsko glasanje je dužan privremeno predati predsjedavajućem ili zamjeniku predsjedavajućeg Gradskog vijeća.

„Član 79.b

Izuzetno, ako se sjednica održava izvan sjedišta Gradskog vijeća iz člana 4. Poslovnika ili uređaji iz prethodnog člana Poslovnika nisu u funkciji, javno odlučivanje se vrši dizanjem ruke.

Vijećnici glasaju tako što na poziv predsjedavajućeg dižu ruku i izjašnjavaju se ili ZA prijedlog, ili PROTIV prijedloga, ili kao SUZDRŽANI u odnosu na prijedlog.

Svi vijećnici, koji su prisutni u momentu glasanja, dužni su se izjasniti na jedan od načina iz prethodnog stava.

Prije početka glasanja, predsjedavajući će uz pomoć Službe utvrditi tačan broj prisutnih vijećnika, ako to zahtijeva neki od klubova.

Nakon, što se vijećnici izjasne na jedan od načina iz stava 1. ovog člana, predsjedavajući obavještava vijećnike da je

glasanje okončano i proglašava rezultate glasanja na osnovu rezultata prebrojanih glasova od strane ovlaštenog uposlenika Službe.“

Član 14.

U članu 80. Poslovnika, stav 1. mijenja se i glasi:

„Izuzetno, kada predsjedavajući ocijeni potrebnim ili ako to zatraže klubovi vijećnika ili najmanje 10 vijećnika, zbog sumnje u rezultate glasanja, rezultati elektronskog glasanja će se poništiti i odrediti ili novo elektronsko glasanje ili poimenično izjašnjavanje vijećnika.“

Član 15.

U članu 90. u stavu 1. Poslovnika, u drugoj rečenici, briše se riječ „pismeno“.

U stavu 2. člana 90. Poslovnika, na početku rečenice briše se riječ „Pismena“.

Član 16.

U članu 157.b iza stava 3., dodaje se novi stav 4., koji glasi:

„Lica koja nisu dobila akreditacije iz stava 2. ovog člana, ne mogu prisustvovati sjednicama Gradskog vijeća“.

Član 17.

Ovlašćuje se Komisija za statutarna pitanja i propise da pripremi i Gradskom vijeću dostavi novi prečišćeni tekst Poslovnika Gradskog vijeća Tuzla.

Član 18.

Odluka stupa na snagu osmog dana od dana objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01-05-1441-2018
21. februar 2018. godine

PREDSJEDAJUĆI
Aleksandar Vujadinović

2

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj 49/06.), člana 6. i 25. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), člana 26. stav 1. Statuta Općine Tuzla („Službeni glasnik Općine

Tuzla, broj 2/99., 9/00., 2/08. i 12/09.) Gradsko vijeće Grada Tuzla, na sjednici od 21. februara 2018. godine, donosi

ODLUKU

o izmjenama Kodeksa ponašanja vijećnika u Gradskom vijeću Tuzla

Član 1.

Članu 16. Kodeksa ponašanja u Gradskom vijeću Tuzla („Službeni glasnik Općine Tuzla“, broj 3/12., 7/14. i 10/17.) (u daljem tekstu: Kodeks), mijenja se i glasi:

„Član 16.

Sa svrhom osiguranja primjene ovog Kodeksa, Gradsko vijeće formira poseban Odbor za Kodeks ponašanja vijećnika (u daljnjem tekstu: Etički odbor).

Etički odbor prati primjenu Kodeksa, postupa po pojedinačnim prijedlozima za utvrđivanje postojanja povrede Kodeksa, podnosi izvještaj Gradskom vijeću s preporukama i ima druga ovlaštenja utvrđena ovim Kodeksom.

Etički odbor čine predsjedavajući, zamjenik predsjedavajućeg i sekretar Gradskog vijeća Tuzla, predsjednici klubova vijećnika koji participiraju u Gradskom vijeću Tuzla i vijećnik iz reda nacionalnih manjina.

Etički odbor radi bez naknade.

Etički odbor donosi svoj Poslovnik o radu.

Administrativno-tehničke poslove za potrebe Etičkog odbora obavlja Stručna služba Gradskog vijeća.

Član 2.

Član 17. Kodeksa, mijenja se i glasi:

„Član 17.

Procedure utvrđivanja odgovornosti

Etički odbor radi po prijavama, koje se podnose u pismenoj formi.

U prijavi će obavezno navesti za koje radnje smatra da predstavljaju povredu Kodeksa i dokaze kojima to potvrđuje (kao npr. zvanično objavljene audio i tonske snimke, kopije dokumenata, kopije vijesti iz sredstava informisanja i slično).

Anonimne prijave se neće uzeti u razmatranje.

Etički odbor razmatra prijavu i ovlašten je provesti postupak ispitivanja osnovanosti prijave, provesti potpuni dokazni postupak i nakon toga odlučiti postoji li povreda neke od odredbi Kodeksa.

Ako je prijava podnesena protiv člana Etičkog odbora, navedena osoba neće učestvovati u radu i glasanju na sjednici Etičkog odbora u tački dnevnog reda na kojoj se razmatra navedena prijava.

U postupku ispitivanja osnovanosti prijave iz stava 1. ovog člana, Etički odbor će saslušati vijećnika protiv koga je podnesena prijava, a po potrebi na sjednicu odbora pozvati podnosioca prijave radi davanja dodatnih pojašnjenja.

Ako Etički odbor zaključi da nije bilo povrede odredaba ovog Kodeksa o tome će obavijestiti podnosioca prijave i vijećnika protiv koga je prijava podnesena.

Ako Etički odbor zaključi da je određeni vijećnik učinio povredu neke od odredbi ovog Kodeksa, Gradskom vijeću Tuzla će podnijeti detaljan izvještaj s preporukom da se prekršitelju Kodeksa izrekne neka od sankcija predviđenih Kodeksom (u daljem tekstu: izvještaj).

Gradsko vijeće donosi odluku kojom prihvata ili ne prihvata preporuku Etičkog odbora o povredi odredaba Etičkog kodeksa, s izrečenom mjerom.

Ako prihvati preporuku o izricanju mjere za povredu Kodeksa vijećniku, donosi odluku, čiji nacrt izrađuje Etički odbor uz pomoć Stručne službe Gradskog vijeća.

Odluka iz prethodnog stava ovog člana je konačna i izvršna.

Protiv odluke iz stava 10. ovog člana ne može se izjaviti žalba, ali se može pokrenuti postupak pred nadležnim sudom.“

Član 3.

Iza člana 17. Kodeksa, dodaju se novi članovi 17.a i 17.b, koji glase:

„Član 17.a

Lakšim povredama Kodeksa se smatraju:

- a) neopravdan izostanak ili kašnjenje vijećnika na sjednice Gradskog vijeća i njegovih radnih tijela,
- b) napuštanje sjednice Gradskog vijeća i njegovih radnih tijela, bez odobrenja predsjedavajućeg Gradskog vijeća ili predsjednika radnog tijela,
- c) neprisustvo obukama iz člana 6. stav 3. ovog Kodeksa i
- d) iskazivanje predrasuda prema uposlenicima u organima uprave Grada Tuzla (član 10. stav 1. Kodeksa).“

„Član 17.b

Težim povredama Kodeksa se smatraju:

- a) svako kršenje Ustava, zakona ili propisa, kao i postupanje u suprotnosti s općim interesom, koji isključuje rad za finansijsku dobit ili bilo koju direktnu ili indirektnu novčanu korist

za sebe ili lica iz svog privatnog okruženja, izuzev naknada za svoj rad utvrđenih odlukama Vijeća ili zaključcima radnog tijela Vijeća (član 4. stav 1. i 2. Kodeksa),

b) aktivnost koja treba da rezultira izborom, imenovanjem ili postavljanjem lica na određene pozicije, a da se pri tom ne sprovedu propisi, ne obezbijedi postupak otvorene javne konkurencije, nezavisne provjere i poštovanja principa kvaliteta, profesionalnosti, znanja i sposobnosti (član 4. stav 3. Kodeksa),

c) svaka radnja koja sadrži obilježja krivičnog djela (član 5. Kodeksa),

d) kršenje odredbi člana 70., 71., 75. i 75.a Poslovnika Gradskog vijeća Tuzla,

e) svako postupanje suprotno odredbi člana 7. ovog Kodeksa, f) korištenje izraza na sjednicama Gradskog vijeća i njegovih radnih tijela, kao i ponašanje u javnosti korištenjem izraza, kojim se omalovažavaju druge ličnosti ili grupe, ne poštuju prava drugih ili se ne uvažavaju drugi i njihova uvjerenja (član 8. Kodeksa),

g) svaka radnja kojom se vijećnik dovodi u sukob interesa (član 9. Kodeksa),

h) zahtijevanje od zaposlenih u organima uprave Grada Tuzla da preduzimaju, ili da propuste da preduzmu bilo kakve radnje kojima bi sebi omogućili protivpropisnu direktnu ili indirektnu osobnu prednost, ili daju prednost pojedincima ili grupama pojedinaca, s ciljem ostvarivanja protivpropisne direktne ili indirektno osobne koristi, ili u svrhu ostvarivanja političkih ciljeva, onih političkih grupacija kojima pripadaju (član 10. stav 2. Kodeksa) i

i) svako postupanje suprotno članu 13. Kodeksa.“

Član 4.

Član 18. Kodeksa, mijenja se i glasi:

„Član 18.

Za nepoštivanje odredaba ovog Kodeksa, mogu se izreći slijedeće sankcije:

1. Pismena opomena za lakše povrede odredaba ovog Kodeksa (član 17.a Kodeksa).
2. Javna opomena s objavljivanjem odluke na sjednici Gradskog vijeća, u slučaju kad je jednoj osobi izrečeno dvije ili više pismenih opomena.
3. Novčana kazna do 50% vijećničkog paušala u periodu od jednog do 12 mjeseci za teže povrede odredaba ovog Kodeksa (član 17.b Kodeksa).

Javna opomena i novčana kazna se objavljuje na web stranici Grada Tuzla.

Novčanu kaznu izvršava nadležna služba za budžet i finansije.“

Član 5.

Etički odbor je dužan, najkasnije u roku od 30 dana od

dana stupanja na snagu ove Odluke, uskladiti Poslovnik i druga interna akta s odredbama ove Odluke.

Član 6.

Ovlašćuje se Komisija za statutarna pitanja i propise da izradi prečišćeni tekst Kodeksa ponašanja vijećnika u Gradskom vijeću Tuzla.

Član 7.

Kodeks stupa na snagu osmog dana od dana objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01-05-1442-2018
21. februar 2018. godine

PREDSJEDAJUĆI
Aleksandar Vujadinović



3

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 11/15.) te članova 16. stav 1. alineja 7. i 26. stav 1. alineja 4. Odluke o davanju u zakup poslovnih zgrada, poslovnih prostorija i garaža („Službeni glasnik Grada Tuzla“, broj 11/15. i 1/16.) Gradsko vijeće Grada Tuzla, na sjednici od 21. februara 2018. godine, donosi

ODLUKU

o dodjeli u zakup poslovnih prostorija neposrednom pogodbom Turističkoj zajednici Grada Tuzla

I

Turističkoj zajednici Grada Tuzla (u daljem tekstu: Turistička zajednica) dodjeljuju se u zakup, neposrednom pogodbom:

- a) poslovni prostor u prizemlju objekta u ulici Turali-begova broj 5, površine 38,60 m², izgrađen na parceli po novom premjeru označenoj kao k.č. broj 456/3, upisanoj u posjedovni list broj 312 KO Tuzla II, što po starom premjeru odgovara parceli označenoj kao k.č. broj 9/540 KO Tuzla II i
- b) poslovni prostor u prizemlju objekta u ulici Turali-begova broj 6, površine 23,90 m², izgrađen na parceli po novom premjeru označenoj kao k.č. broj 335/1, upisanoj u posjedovni list broj 1728 KO Tuzla II, što po starom premjeru odgovara parcelama označenim kao k.č. broj 5/215 i k.č. broj 5/359 KO Tuzla.

II

Poslovne prostorije iz tačke I ove Odluke dodjeljuju se u zakup na period od četiri (4) godine, s tim da se po isteku ovog perioda zakupni odnos može produžiti, uz saglasnost obje strane.

III

Poslovne prostorije iz tačke I ove Odluke, dodjeljuju se u zakup za rad i djelovanje Turističke zajednice.

IV

Poslovne prostorije iz tačke I ove Odluke, dodjeljuju se u zakup uz zakupninu određenu u skladu sa članom 26. stav 1. alineja 4. Odluke o davanju u zakup poslovnih zgrada, poslovnih prostorija i garaža, i to u iznosu od 2,00 KM/m² (bez PDV-a).

V

Detaljni uslovi zakupa poslovnih prostorija će se regulirati ugovorom između Grada Tuzla s jedne strane i Turističke zajednice s druge strane, u skladu s Odlukom o davanju u zakup poslovnih zgrada, poslovnih prostorija i garaža, kao i propisima, kojima su uređena pitanja zakupa poslovnih prostorija.

VI

Odluka stupa na snagu danom objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01/23-948-2018
21. februar 2018. godine

PREDSJEDAJUĆI
Aleksandar Vujadinović



4

Na osnovu odredaba člana 14. stav 4. i člana 16. stav 4. Zakona o eksproprijaciji („Službene novine Federacije BiH“, broj 70/07., 36/10., 25/12. i 34/16.) i člana 6. i 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), postupajući po prijedlogu JP Elektroprivreda Bosne i Hercegovine d.d. Sarajevo, Podružnica Elektrodistribucija Tuzla, za utvrđivanje javnog interesa, Gradsko vijeće Grada Tuzla, na sjednici od 21. februara 2018. godine, donosi

ODLUKA**o utvrđivanju javnog interesa za izgradnju elektroenergetskog objekta u Poslovnoj zoni Kreka sjever u Tuzli****I**

Utvrđuje se da je od javnog interesa izgradnja elektroenergetskog objekta: KSF6 10(20)/0,4 kV Kreka sjever s priključnim srednjenaponskim vodom (transformatorska stanica), na lokaciji Poslovne zone Kreka sjever u Tuzli i da se u tu svrhu može pristupiti potpunoj eksproprijaciji nekretnine po jedinstvenoj evidenciji označene kao:

- k.č.broj 1468/7, Polje, ostalo neplodno, zemljište, površine 25 m², upisana u posjedovni list broj 245 KO Tuzla IV i zemljišno-knjižni uložak broj 19 KO Tuzla IV, posjednik i vlasnik Grad Tuzla sa dijelom od 1/1.

II

Određuje se da je JP Elektroprivreda Bosne i Hercegovine d.d. Sarajevo, Podružnica Elektrodistribucija Tuzla, korisnik eksproprijacije nekretnine za izgradnju elektroenergetskog objekta: KSF6 10(20)/0,4 kV Kreka sjever s priključnim srednjenaponskim vodom (transformatorska stanica), na lokaciji Poslovne zone Kreka sjever u Tuzli.

III

Odluka će biti objavljena u „Službenom glasniku Grada Tuzla“.

GRAD TUZLA **PREDSJEDAVALAČI**
Gradsko vijeće
Broj: 01-31-1449-2018 **Aleksandar Vujadinović**
21. februar 2018. godine

5

Na osnovu člana 13. Zakona o principima lokalne samouprave („Službene novine FBiH“, broj 49/06.) i člana 6. i 25. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradsko vijeće Grada Tuzla, na sjednici od 21. februara 2018. godine, donosi

ODLUKU**o dopuni Odluke o proglašenju Fudbalskog stadiona „Tušanj“ u Tuzli dobrom u općoj upotrebi****Član 1.**

Iza člana 1. Odluke o proglašenju Fudbalskog stadiona „Tušanj“ u Tuzli dobrom u općoj upotrebi („Službeni glasnik Općine Tuzla“, broj 8/08.) (u daljem tekstu: Odluka), dodaje se novi član 1.a, koji glasi:

„Član 1.a

Gradsko vijeće Tuzla daje saglasnost da se na nekretninama iz člana 1. ove Odluke, mogu izgraditi i postaviti objekti i uređaji komunalne infrastrukture, kao i objekti u funkciji Fudbalskog stadiona „Tušanj“.

Objekti i uređaji iz prethodnog stava ovog člana, nakon što se izgrade i postave, imaju isti status kao i dobra u općoj upotrebi iz člana 1. ove Odluke.“

Član 2.

U cijelom tekstu Odluke, riječi „Općina Tuzla“ u različitim padežima, zamjenjuju se riječima „Grad Tuzla“, u odgovarajućim padežima.

Član 3.

Odluka stupa na snagu danom objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01-31-1448-2018
21. februar 2018. godine

PREDSJEDAVALAČI
Aleksandar Vujadinović

**6**

Na osnovu člana 22. stav 2. i člana 363. tačka 1. Zakona o stvarnim pravima („Službene novine FBiH“, broj 66/13. i 100/13.), članova 13. i 35. Zakona o principima lokalne samouprave („Službene novine FBiH“, broj 49/06.), člana 7. stav 1. Odluke o prodaji nekretnine u vlasništvu Grada Tuzla putem javnog nadmetanja-licitacije za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu prostorne cjeline Stupine sjever u naselju Stupine u Tuzli („Službeni glasnik Grada Tuzla“, broj 11/17.), člana 13. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine FBiH“, broj 17/14.) i člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradsko vijeće Grada Tuzla, na sjednici od 21. februara 2018. godine, donosi

ODLUKU

o izboru najpovoljnijeg ponuđača i davanju saglasnosti na zaključenje ugovora o kupoprodaji nekretnine u vlasništvu grada tuzla za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu prostorne cjeline Stupine sjever u naselju Stupine u Tuzli

Član 1.

Utvrđuje se da je u postupku javnog nadmetanja-licitaciji, održanoj dana 19. 1. 2018. godine, na osnovu javnog oglasa o nadmetanju-licitaciji za prodaju nekretnine u vlasništvu Grada Tuzla za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu prostorne cjeline Stupine sjever u naselju Stupine u Tuzli, objavljenom u dnevnom listu „Oslobođenje“ Sarajevo dana 25. 12. 2017. godine, na oglasnoj tabli Gradske uprave Tuzla dana 25. 12. 2017. godine i web stranici Grada Tuzla dana 25. 12. 2017. godine (dok je Ispravka teksta Javnog oglasa objavljena u dnevnom listu „Oslobođenje“ Sarajevo dana 26. 12. 2017. godine, na oglasnoj tabli Gradske uprave Tuzla dana 26. 12. 2017. godine i web stranici Grada Tuzla dana 26. 12. 2017. godine) za nekretninu u vlasništvu Grada Tuzla, označenu kao: k.č. broj 2164/21, Stupine, oranica/njiva 2. klase, površine 3770 m², upisanu u posjedovni list broj 1404 k.o. Tuzla III, posjednik Grad Tuzla sa 1/1, kojoj parceli po starom premjeru odgovara parcela označena kao k.č. broj 1425/1, zv. Stupine, oranica, površine 3770 m², pravo vlasništva Grada Tuzla sa 1/1, upisana u el. z.k. ul. br. 14382 k.o. SP_Tuzla, najvišu ponudu dao učesnik licitacije „HEEZ TRANSPORT“ d.o.o. za prevoz, promet i usluge Tuzla, u iznosu od 1.400.000,00 KM (jedan milion i četiri stotine hiljada konvertibilnih maraka).

Član 2.

(1) Daje se saglasnost Gradonačelniku Grada Tuzla, ili drugom licu koje ovlasti Gradonačelnik, da u ime i za račun Grada Tuzla u svojstvu prodavca, zaključi ugovor o prodaji nekretnine iz člana 1. ove Odluke, s najuspješnijim ponuđačem licitacije: „HEEZ TRANSPORT“ d.o.o. za prevoz, promet i usluge Tuzla, u svojstvu kupca.

(2) Ugovor iz prethodnog stava, zaključit će se u roku od 30 dana od dana donošenja ove Odluke, a ukoliko najpovoljniji ponuđač ne zaključi ugovor u ovom roku, smatrat će se da je odustao od zaključenja ugovora o kupoprodaji nekretnine.

(3) Troškove izrade i notarske obrade ugovora o kupoprodaji nekretnine, kao i pripadajućeg poreza na promet nepokretnosti snosi kupac.

Član 3.

(1) Kupac je u obavezi platiti kupoprodajnu cijenu iz člana 1. ove Odluke u roku od 15 dana od dana zaključenja i notarske obrade kupoprodajnog ugovora.

(2) U slučaju zakašnjenja s plaćanjem kupoprodajne cijene, kupac je dužan platiti zateznu kamatu za period kašnjenja, računajući od dana dospijeca pa do isplate.

(3) Nakon zaključenja ugovora o kupoprodaji i uplate kupoprodajne cijene, kupac će biti uveden u posjed nekretnine iz člana 1. ove Odluke.

(4) U slučaju da najpovoljniji ponuđač odustane od zaključenja ugovora, gubi pravo na povrat položene kapare u iznosu od 50.000,00 KM.

Član 4.

Kupac nekretnine može na nekretnini iz člana 1. ove Odluke, izgraditi isključivo kolektivni stambeno-poslovni objekt radi čije gradnje je Gradsko vijeće Grada Tuzla dana 29. 11. 2017. godine donijelo Odluku o prodaji nekretnine u vlasništvu Grada Tuzla putem javnog nadmetanja-licitacije za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu prostorne cjeline Stupine sjever u naselju Stupine u Tuzli, broj: 01-31-11036-2017, prema urbanističko tehničkim uslovima za izgradnju, utvrđenim Rješenjem o načelnoj urbanističkoj saglasnosti Službe za prostorno uređenje i zaštitu okoline, broj 06/2-23-7697/2017-FI od 9. 10. 2017. godine.

U slučaju gradnje objekta druge namjene, Gradsko vijeće će ovu Odluku staviti van snage.

Član 5.

Odluka stupa na snagu danom objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01-31-1447-2018
21. februar 2018. godine

PREDSJEDAVALAČI
Aleksandar Vujadinović



7

Na osnovu člana 12. Zakona o ministarskim, vladinim i drugim imenovanjima u Federaciji Bosne i Hercegovine (“Službene novine Federacije BiH” broj 12/03., 34/03. i 65/13.), člana 31. stav 8. Zakona o državnoj službi u Tuzlanskom kantonu („Službene novine Tuzlanskog kantona”, broj 7/17. i 10/17.) i člana 6. i 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla”, broj 1/14., 3/15., 7/15. i 12/15.), Gradsko vijeće Grada Tuzla, na sjednici od 21. februara 2018. godine, donosi

RJEŠENJE

**o konačnom imenovanju sekretara Gradskog vijeća Tuzla
i davanju ovlaštenja za odlučivanje o pravima i obavezama sekretara Gradskog vijeća Tuzla**

I

SLAĐANA KRAJINA, dipl. pravnik iz Tuzle, imenuje za sekretara Gradskog vijeća Tuzla.

Imenovanje se vrši na mandatni period u trajanju od četiri (4) godine.

II

Daje se ovlaštenje Gradonačelniku Grada Tuzla da odlučuje o pravima i obavezama koji proističu po osnovu radnog odnosa sekretara Gradskog vijeća Tuzla.

Ovlaštenje iz prethodnog stava Gradonačelnik može prenijeti na državnog službenika gradske uprave Tuzla, o čemu odlučuje posebnim rješenjem.

III

Rješenje stupa na snagu danom donošenja a primjenjivaće se počev od 1. 3. 2018. godine.

IV

Rješenje će se objaviti u „Službenom glasniku Grada Tuzla”.

GRAD TUZLA
Gradsko vijeće
Broj: 01-05-1446-2018
21. februar 2018. godine

PREDSJEDAVALAČI
Aleksandar Vujadinović

II AKTI GRADONAČELNIKA GRADA TUZLA

1

Na osnovu članova 60. i 61. Zakona o budžetima u Federaciji Bosne i Hercegovine („Službene novine Federacije BiH“, broj 102/13., 9/14., 13/14., 91/15., 102/15. i 104/16.), člana 7. Statutarne odluke o organizaciji Grada Tuzle u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 13. Odluke o izvršavanju Budžeta Grada Tuzla za 2017. godinu („Službeni glasnik Grada Tuzla“, broj 1/17.), a u vezi sa Zahtjevom Službe za opću upravu i zajedničke poslove, broj: 09-212/17 od 29. 12. 2017. godine, Gradonačelnik Grada Tuzla, donosi

ODLUKU

o izdvajanju sredstava iz Tekuće rezerve Budžeta Grada Tuzla za 2017. godinu, za isplatu putnih naloga za službena putovanja

I

Odobrava se izdvajanje novčanih sredstava iz Budžeta grada Tuzla za 2017. godinu, pozicija „Tekuća rezerva Budžeta“, u iznosu od 424,20 KM (četiri stotine dvadeset četiri i 20/100 konvertibilnih maraka).

II

Sredstva iz tačke I ove Odluke se izdvajaju na ime nedostajućih sredstava na poziciji:

„Putni troškovi“, u okviru Službe za opću upravu i zajedničke poslove, a zbog neophodnosti odlaska uposlenika Grada Tuzla radi realizacije projekata regionalne i međunarodne saradnje, i to:

1. Putni nalog broj: 09-14-586 od 30. 11. 2017. godine, radi službenog putovanja uposlenika u Osijek-RH, na ime učešća predstavnika Grada Tuzla u obilježavanju Dana Grada Osijeka, pri čemu su putni troškovi iznosili 230,60 KM.

2. Putni nalog broj: 09-14-617 od 18. 12. 2017. godine, radi službenog putovanja uposlenika u Sarajevo, radi učešća u aktivnostima u projektu ReLoAd -UNDP, pri čemu su putni troškovi iznosili 25,00 KM.

3. Putni nalog broj: 09-14-635 od 27. 12. 2017. godine, radi službenog putovanja uposlenika u Zagreb-RH, u cilju razmjene iskustava u oblasti projekata komunalne infrastrukture, pri čemu su putni troškovi iznosili 168,60 KM.

III

Za izvršenje ove Odluke se zadužuje Služba za budžet i finansije.

IV

Odluka stupa na snagu danom donošenja i bit će objavljena u „Službenom glasniku Grada Tuzla“.

GRAD TUZLA
Gradonačelnik
Broj: 02-14-807/2018
31. januar 2018. godine

GRADONAČELNIK
Jasmin Imamović

2

Na osnovu članova 60. i 61. Zakona o budžetima u Federaciji Bosne i Hercegovine („Službene novine Federacije BiH“, broj 102/13., 9/14., 13/14., 91/15., 102/15. i 104/16.), člana 7. Statutarne odluke o organizaciji Grada Tuzle u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 13. Odluke o izvršavanju Budžeta Grada Tuzla za 2017. godinu („Službeni glasnik Grada Tuzla“, broj 1/17.), Gradonačelnik Grada Tuzla, donosi

ODLUKU

o izmjenama Odluke o izdvajanju sredstava iz Tekuće rezerve Budžeta Grada Tuzla za 2017. godinu, Upravi za indirektno oporezivanje BiH, Regionalni centar Tuzla

I

U tački I Odluke o izdvajanju sredstava iz Tekuće rezerve Budžeta Grada Tuzla za 2017. godinu, Upravi za indirektno oporezivanje BiH, Regionalni centar Tuzla, broj: 02-14-669/2018 od 24. 1. 2018. godine, riječi „u iznosu od 3.039,15 KM (tri hiljade trideset devet i 15/100 konvertibilnih maraka) zamjenjuju se riječima „u iznosu od 4.138,89 KM (četiri hiljade stotinu trideset osam i 89/100 konvertibilnih maraka)“.

II

Odluka stupa na snagu danom donošenja i bit će objavljena u „Službenom glasniku Grada Tuzla“.

S A D R Ž A J

„Službenog glasnika Grada Tuzla“, broj 2/2018

I AKTI GRADSKOG VIJEĆA GRADA TUZLA

- | | |
|---|----|
| 1. Odluka o izmjenama i dopunama Poslovnika Gradskog vijeća Tuzla | 21 |
| 2. Odluka o izmjenama Kodeksa ponašanja vijećnika u Gradskom vijeću Tuzla | 24 |
| 3. Odluka o dodjeli u zakup poslovnih prostorija neposrednom pogodbom Turističkoj zajednici Grada Tuzla | 26 |
| 4. Odluka o utvrđivanju javnog interesa za izgradnju elektroenergetskog objekta u Poslovnoj zoni Kreka sjever u Tuzli | 26 |
| 5. Odluka o dopuni Odluke o proglašenju Fudbalskog stadiona „Tušanj“ u Tuzli dobrom u općoj upotrebi | 27 |
| 6. Odluka o izboru najpovoljnijeg ponuđača i davanju saglasnosti na zaključenje ugovora o kupoprodaji nekretnine u vlasništvu grada tuzla za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu prostorne cjeline Stupine sjever u naselju Stupine u Tuzli | 27 |
| 7. Rješenje o konačnom imenovanju sekretara Gradskog vijeća Tuzla i davanju ovlaštenja za odlučivanje o pravima i obavezama sekretara | 28 |

II AKTI GRADONAČELNIKA GRADA TUZLA

- | | |
|---|----|
| 1. Odluka o izdvajanju sredstava iz Tekuće rezerve Budžeta Grada Tuzla za 2017. godinu, za isplatu putnih naloga za službena putovanja | 30 |
| 2. Odluka o izmjenama Odluke o izdvajanju sredstava iz Tekuće rezerve Budžeta Grada Tuzla za 2017. godinu, Upravi za indirektno oporezivanje BiH, Regionalni centar Tuzla | 30 |
| 3. Rješenje o imenovanju Stručnog tima za određivanje naziva ulica i trgova u Gradu Tuzla | 31 |